

# EUSKAL ELIZBARRUTIETAKO MISIOEN KANPAINA 2020

## MISIOA BIZIA DA

LA  
MISIÓN  
ES VIDA

MISIOA  
BIZIA  
DA

19 de marzo  
martxoak 19  
2020

[www.misioak.org](http://www.misioak.org)

**MMDDVV**  
elizbarrutietako misioak  
misiones diocesanas vascas

### ELIZBARRUTIKO MISIOEN ORDEZKARITZA

Plaza Nueva, 4 – 2ª Planta – 48005 BILBAO

Teléfono: 94 401.36.99

e-mail: [misiobi@bizkeliza.org](mailto:misiobi@bizkeliza.org) [www.misioak.org](http://www.misioak.org)

## **“MISINOA BIZIA DA”**

2020.eko martxoaren 19a

Agur bat,

Misinoetarako Ordezkaritzatik, datorren martxoan martxan jarriko dogun Eleizbarrutiko Misinoen aurtengo kanpainaren barri emon gura deusuegu. “Misinoa bizia da” goiburua aukeratu da ekitaldi honetarako.

Misinoa bizi egiten da Jainkoak bizitzarako proposatzen deuskun egitasmoari baiezkua emoten deutsen gizon eta emakumeengan. Misinoak goitik behera aldatzen ditu gure bizitzak eta zentzunez beteten.

Misinoa bizia da, Barri Ona dakarrelako: zapalketetatik askatu, kendutako duintasuna berreskuratu, zapaldutako autoestimua barriz lortu. Jesusek erizpide etikoa jarten deutse Israelgo jakintsuek egiten ebenari: Jainkoagazko hartu-emona, gizon-emakumeakazko hartu-emonetik pasatzen da eta ezin da benetan Jainkoa maitatu, bestea maitatzen ez bada. Jainkoaren Erreinua maitasunaren burutzea da eta misinoa bizitza horren zerbitzura jartea. Honek zer pentsatu emon beharko leuskigu.

Gure eleizbarrutietan, beste lau lagun, abade eta laiko, gehitu behar jakoz Euskal Eleizbarrutietako Misinoen familia handiari. Eskerrak emoten deusaguz Jainkoari Ramon Diaz-Guardamino, Iraide Donaire, Itziar Bagues eta Joseba Olazirengaitik Etiopia eta Ekuadorren bizi egindako misinoagaz bat egin dabelako. Misiolari barri honeek, Espirituaren eta otoitzetik, heziketatik, gure munduaren egoera ezagutzetik gazte eta helduak hezi eta behartsuenengan Jesus aurkitzera atara daitezcan, egiten dogun ahaleginaren emaitza dira.

Jesusen deiak bizitu egiten gaitu; axolagabe itzi ordez, erantzun egiten badeusagu, mobimentuan jarten gaitu. Datozan egunetan, gure misiolariak benetako protagonista izatea nahi dogu eta, eurakaz batera, egunero Ebanjelioaren aldeko konpromisoa barritu eta arazo, erronka, aberastasun eta pobretasunei aurre egiten saiatzen diran guztiak.

Senidetasuna josten jarraitu gura dogu eta Eleiza misiolari lez bidelagun doguzan alkartean gizarte, eleiz eta politika errealidadea hurreratu. Horretarako, Begoña Iñarra Afrikako Andra Mari ordenako misiolaria izango da gure artean, lekukotasun eta hausnarketa aberasgarriak eskainiz.

Honako honegaz batera, kanpainarako hainbat lagungarri jasoko dozue: Eleizbarrutietako Gotzainen gutuna; Eleizbarrutiko Misinoen egunerako liturgia; power-pointa ospakizun eta taldeetan erabiltzeko; kartelak (Ordezkaritzan gehiago eskatzeko aukera). Kanpainaren inguruan gehiago jakiteko: [www.misioak.org](http://www.misioak.org).

Aldez aurretik, eskerrik asko zuon laguntza eta eskuzabaltasunagaitik.

Felicitas Martin Fernandez

Misinoetarako Eleizbarrutiko Ordezkarria

## “MISINOA BIZIA DA”

Anai-arreba maiteok:

Bihotzez agurtzen zaituztegu Euskal Elizbarrutietako Misioen Egunean. Benetako grazia da gure elizbarrutientzat beren misiolari sustraiak gogoraraztea. Frantzisko Aita Santuak Alemanian hedatuta dagoen Jainkoaren Herriari zuzendutako Gutunean gogoratzen ditu une hauetan guztiz lagungarri izan daitekeen hainbat artzat. Geure sinodo-bide misiolaria ere markatzen duten zantzu bezala eskainiko ditugu.

“Ezinbestekoa da, beraz, gure artzainek ondo adierazi zuten bezala, berriz ere ebanjelizazioa lehenestea etorkizunari konfiantzaz eta itxaropenez begiratzeko, ebanjelizatzaile izanik, Elizak bere burua ebanjelizatzen duelako lehenik eta behin. Elkarte fededun, bizi eta helarazten duen itxaropenaren elkarte, senide maitasunaren elkarte, etengabe entzun behar du zer sinetsi behar duen, zein arrazoi duen itxaroteko, maitasunaren agindu berria” (7). Gure jarduera misiolariaren abiapuntua beti da Jaunaren maitasun sinestezin honen iragarpena. Horixe izan zen lurralde haietan gure misiolari lankidetzaren jatorria. Eta jatorri horretara itzultzen gara urtero egun honetan.

“Hori dela-eta, gure ardura nagusia, gure anai-arrebengana, bereziki gure elizen atarietan, kaleetan, kartzela eta ospitaleetan, plaza eta hirietan, lurrean botata daudenengana ireki eta bila ateraz, poztasun hori nola zabaldu izango da. Jaunak argi hitz egin zuen: «Ardura zaitetzte, batez ere, Jainkoaren erregetzaz eta haren nahia betetzeaz, eta beste hori guztia gehigarritzat emango dizue Jainkoak» (Mt 6, 33). Kristoren espirituarekin lurreko errealitate guztiak gantzutzerara atera, bereziki bidegurutze anitzetan, nagusiki kontaketa eta paradigma berriak sortzen diren lekuetan, Jesusen Hitzarekin hirien arimaren erdigunerik sakonenetaraino iritsi. Laguntasuna eman Kristoren Nekaldiak, bekatuaren eta zuzentasunik ezaren eraginez bere Aurpegia oinazetan diren nekaldi eta egoera ugariak benetan eta zehazki uki ditzan” (8). Egun hau dela-eta, berriz gogorazi nahi dugu pertsona ahulenek, behartsuenek leku teologiko bezala, azkenek Jaunaren aurpegiaren ikono bezala eta kaltetuenen aldeko gure zerbitzuak Jaunarekin dugun hartu-emanaren termometro bezala duten lehentasuna. “Eta, aldi berean, Jaunaren Nekaldiak piz beza gure elkarteetan, eta bereziki gazteenen artean, bere Erreinuaren aldeko grina”.

Horregatik, «benetako ebanjelizatzaile izateko beharrezkoa da jendearen ondoan egoteko gogoia izatea ere, horrek goragoko poza ematen duela konturatzeraino. Misioa Jesusenganako grina da, baina aldi berean herriarekiko grina ere bai» (EG 268). Beraz, “Espirituak eliz elkarteei eskatzen

diena" (Ap 2, 7) galdetu beharko genioke geure buruari, garaien zantzuak antzeman, hau, besterik gabe, garaiko espiritura egokitzearen berdina ez bada ere (Erm 12, 2). Entzute, hausnarketa eta bereizketarako dinamika hauen guztien xedea, Elizara gero eta fededunago, prestuago, arinago eta gardenago itzultzea da Berri Onaren poztasuna iragartzeko, hau oinarritzat hartuta aurkituko baitugu argi eta erantzuna auzi guztientzat. Erronkak gainditu egin behar ditugu. Errealista izan behar dugu, baina poztasuna, ausardia eta emate itxaropentsua galdu gabe. Ez diezagutela indar misiolaria lapurtu!".

Gure elkarte ahul eta zahartuetan, ezinbestekoa da lehentasunekin asmatzea. Ez dugu indarririk soberan eta, ondorioz, ez zaigu huts egitea komeni. Une honetan erantzunik onena emateak "sensus ecclesiae" delakoa eskatzen du, Pedrorekin eta kolegio apostolikoarekin elkar harturik, Jainkoaren herri fededunarekin bat eginik eta mundu-mailako Elizak sakramentuak ospatzen dituen eta Hitzaz azaltzen duen erara.

"Pertsona bakoitzaren bila atera Aita bihozberaren adeitasun eta errukiarekin, adore sendo eta eskuzabalarekin. Arreta jarri eta antzeman, zuon ona eta bestearen gaitza, bizi bera doakotasun eta samurtasunez eskaintzeko gai. Hauxe izan dadila zuon bokazioa, Jesus Haurraren Teresa Doneak dioen bezala: bakarrik maitasunak bultzatzen ditu ekintzara Elizako kideak; maitasuna itzaliko balitz, apostoluek ez lukete Berri Ona iragarriko, martiriek uko egingo liokete beren odola isurtzeari", esan zien Aita Santuak gotzain italiarrei beren 70. batzar nagusian.

Misiolari maitasuna berritzeko eta gure misiolariari eta elkarte ahizpei eskuzabaltasunez laguntzeko eguna. Gazteengana irits dadila guztioi dagokigun misio liluragarri honen inguruan arakatzeko nahia eta beraiek izan daitezela misio horren onuradun nagusiak.

Bihotz-bihotzez, gure bedeinkapena.

+ Mario Izeta Gabikagoxeaskoa - Bilboko Gotzaina

+ Jose Ignacio Munilla Agirre - Donostiako Gotzaina

+ Juan Carlos Elizalde Espinal - Gasteizko Gotzaina

+ Joseba Segura Etxezarraga – Bilboko Gotzain Laguntzailea

**2020.eko martxoaren 19a**  
**ELEIZBARRUTIETAKO MISINOEN EGUNA**  
**“MISINOA BIZIA DA”**

**Sarrerako oharra**

Ondo etorriak izan zaitezala ospakizun honetara.

Anai-arrebok: Garizuma aldiko ibilbidean, Eleizak dei egiten deusku San Jose eguna pozez ospatu daigun eta, berak egin eban lez, Jainkoak konfiantza eta eskuzabaltasunez egiten deuskuzan proposamenei erantzun deiegun. Izan be, Jose benetan santua zan, fede-gizona zalako, Jainkoarengandik gertu egoalako, bere gertutasunaren oinarriak maitasuna eta zerbitzua ziralako.

Gaur, Eleizbarrutiko Misinoen Eguna ospatzen dogu, **Misinoa bizia da** goiburuaren haritik. Lurreko behartsuengan Jesukristogaz bat egiteak bizia emoten deusku eta biziemoile egiten. Hauxe da Euskal Eleizbarrutietako Misinoetan misiolari lez parte hartu dauan Euskal Herriko hainbat eta hainbat pertsonaren esperientzia.

Misinoa bizi egiten da Jainkoak bizitzarako proposatzen deuskun egitasmoari baiezkoa emoten deutsen gizon eta emakumeengan. Misinoak goitik behera aldatzen ditu gure bizitzak eta zentzunez beteten. Anai eta arreba txirotu horreei aurpegia jarateak daukagunaz jabetzera garoaz eta gure eguneroko bizitzan konpromisoak hartzera, banatutako gatz, argi eta bizi izatera deitzen gaitu.

Esker on eta itxaropenez, Jaunaren aurrean aurkeztuko gara.

**Abadearen agurra**

**Jesukristo Biziaren Jaunaren grazia eta bakea, zuekin.**

**Damu otoitza**

Geure pekatari izatetik, pozez hartu daiguzan Jaunaren errukia eta parkamena:

- Bizizren eta behartsuen Jainko babeslea zarana. Erruki, Jauna.
- Gure larritasunetan itxaropena zarana. Kristo, erruki.
- Gure makaltasunean indarra zarana. Erruki, Jauna.

Jainko Aita, seme-alabek jasaten daben bidegabekeriak atsekabetu egiten zaitu; emoiguzu zure parkamena, zure jakituria eta zure errukia, gure epelkeria eta bildurrak gainditzeko eta anai-arrebak onartzeko konpromisoa hartzeko. Jesukristo gure Jaunaren bitartez.

## Oharra irakurgaiei

Jose da Jesus Daviden ondorengoen artean kokatzen dauan historiako kate-maila. Davidek Jaunari tenplua eraiki gura deutsalara entzungo dogu lehenengo irakurgaietan.

Bigarren irakurgaiak historia Abrahamen fedearen argitan irakurten lagundu gura dau. Patriarka eta fededunen guraso honek belaunaldi askoren aita izateko agintzaria jasoko dau. Berak sinistu eta uste osoa dau Jainkoaren hitzean.

### **IDEIAK HOMILIARAKO**

*(Lehen edo orain lekukotasunik izan ezkerro, hortik abiatu homilia, eguneko goiburua nabarmenduz).*

Misinoa bizi egiten da Jainkoak bizitzarako proposatzen deuskun egitasmoari baietza emoten deutesen pertsonengan. Gure eleizbarrutietan, gizarte kontsumista eta indibidualista honetan, arlo misiolarian bizi dogun bokazinoen eskasia nabarmena bada be, Espirituak Euskal Eleizbarrutiko Misinoen familiari gehitzen jakozan misiolari bokazinoak sortzen ditu gaur egun be. Etenbarik eskerrak emon behar deutsalaz Jainkoari herrialde txirotuetan bizi egindako misinoaren alde egin daben misiolariengaitik. Eredu doguz, eta gure egitekoa hareei laguntzea eta hareengana hurreratzea izango da, bere esperientzia eta bizitzagaz bat egiteko. Profetek dinoenez: *“Badozu itxaropenik etorkizunerako”* (Jer 31, 17). *“Zerbait barria egitera noa: hasia da sortzen, ez deutsalazue antzematen”* (Is 43, 19).

Jainkoak behin eta barriro deitzen gaitu, mundu hobea egitera bultzatzen gaitu.

Misinoan, Jaun berbiztua bila ataraten jaku, gizalegari dagokionez garrantzi gitxikoa eta ahula dan, haren Hitza erdi-erdian jarten duan eta haren etxean sentitzen dan eta behartsuen Eleizaegiten dauan jenteez osatutako alkarte apalen erdian. Holan, hemengo eta mundu osoko behartsuakaz bizikide izanik bizi dan misinoa, persona lez eta Eleiza lez bihotz-barritzeko, aldatzeko etenbako dinamika da.

Hainbat lekutan, sasoitari eta eratarari, bizitzan, eta maitasunari dagokionez bardin, zenbat eta gehiago emon orduan eta gehiago jasoten dala jakitun, *“MISINOA BIZIA DALA”* egiaztatu dogunok bizi izandako esperientzia da kanpaina honen abiapuntua. Misinoaren esperientzia, norbere eremu eta gauzetatik atara eta gehien sufritzen dabenengana hurreratu eta denpora, fedea, norbere burua,... eskaintzeak misinoa bizia dala esatera garoaz. *“Bizia izan daizuen etorri naz, eta ugari izan daizuen”* (Jn 10, 10)

Misinoak goitik behera aldatzen ditu gure bizitzak eta zentunez beteten. Gure bizitzak misinoa dau. Misinoa bizia da, Barri Ona dakarrelako: zapalketetatik askatu, kendutako duintasuna berreskuratu, zapaldutako autoestimua barriz lortu. Jesusek erizpide etikoa jarten deutse Israelgo jakintsuek egiten ebenari: Jainkoagazko hartu-emonari, gizon-emakumeakazko hartu-emonetik pasatzen da eta ezin da benetan Jainkoa maitatu, bestea maitatzen ez bada. Jainkoaren Erreinua maitasunaren burutzea da eta misinoa bizitza horren zerbitzura jartea. Honek zer pentsatu emon beharko leuskigu.

Lurreko txirotuengan Jesusegaz bat egiteak bizia emoten deusku eta biziemoile egiten. Neurri handi batean, geure bizimodu egoistaren eraginez txirotutako anai eta arreba horreei aurpegia jarreak daukagunaz (aukerak, jakintza, baliabideak,...) jabetzera eta eguneroko bizitzan gatz, argi eta bizi izateko konpromisoa hartzera garoaz.

*Benetan ederra, pertsona bakoitzaren bizia ez dela kaos etsigarrian, halabehar hutsez edo zentzugabe errepikatzen diren zikloez gobernatutako munduan ez dela galtzen ziur jakitea! Kreatzaileak hauxe esan diezaguke gutariko bakoitzari: "Amaren sabelean sortu aurretik aukeratu zintudan" (Jr 1, 5). Jainkoaren bihotzean sortuak izan ginen eta, horregatik, gutariko bakoitza Jainkoaren pentsamenduaren emaitza da. Gutariko bakoitza maitatua da, ezinbestekoa da". LS 38*

## **Jainkoaren herriaren otoitza**

Anai-arrebok, egin daigun otoitz, Jainko errukitsuari gure eskariak entzuteko eskatuz:

- Eleizaren alde. Jesusek aldatu gaizala, etenbako misino egoeran egon gaitzan. Egin daigun otoitz.
- Politiko eta agintarien alde. Etorकिन aurkako politikak alde batera itzi eta gizon eta emakume guztioi dagokigun bizimodu duina ziurtatu daien danontzat. Egin daigun otoitz.
- Gure misiolarien osasun eta sendotasun espiritualarn alde. Gure otoitz eta laguntasuna izan daien. Egin daigun otoitz.
- Munduko alkarte eta herri guztien alde. Hartu-emonean eta alkarlanean izan gaitzala, alkarrengandik ikasteko. Egin daigun otoitz.
- Hemen batu garanon alde. Eukaristian Jesusek aldatu gaizan, bere atzetik konfiantzaz jarraitu eta pozez onartu daigun guretzat dauan misinoa. Egin daigun otoitz.
- Gure eleizbarrutien alde. Misiolari izan daitezcan, gure arteko behartsuenen bidelagun izanda. Egin daigun otoitz.

Jainko Aita ona, Joseri agindu zeuntsan Jesus eta Maria zaintzeko; geu be babestu gaizala eta egunen batean zure agintzariak jaso daiguzala. Jesukristo gure Jaunaren bitartez.

## **Oharra dirua batu aurretik**

Gaur batu daiten dirua Eleizbarrutietako Misinoetarako izango da. Misiolariak garatzen diharduen egitasmoetan erabiliko dabe batez be. Eskerrik asko eskuzabaltasunez jokatzeagaitik.

## **Abadearen agurra (bedeinkapenaren ostean)**

**Grazia eta salbazinoaren, heriotza eta biziaren aroa da. Gaur, orain, Jainkoa gure artean da eta otoitz egin behar dogu aukera hori aprobeatzeko. Zoaze Jaunaren bakean!**

## ARLO TEORIKOA

Hilabete Misiolarian, Elizbarrutiak benetan misiolari izan dela sentitu dugu eta horixe bizi nahi dugu berriz ere San Jose eguneko 2020ko kanpaina honetan.

Misioa bizi egiten da Jainkoak proposatu digun Biziz beteriko egitasmoari baietza ematen dioten pertsonengan. Gure elizbarrutietan, gizarte kontsumista eta indibidualistan, arlo misiolarian bokazioei dagokienez urritasuna nabarmentzen bada ere, aurtun lau lagun, apaiz eta laiko, gehituko zaizkio Euskal Elizbarrutietako Misioen familiari. Esker ona adieraziko diogu Jainkoari Etiopia eta Ekuadorren bizi egindako Misioaren aldeko hautua egin duten Ramon, Iraide, Itziar eta Josebarengatik eta lagun egin, babestu egingo ditugu eta hurbildu egingo gatzazkie beren esperientzia eta biziaren geure egiteko.

*“Baduzu itxaropenik etorkizunerako” (Jer 31, 17) “Hara, zerbait berria hasia da sortzen, ez al diozue antzematen?” (Is 43, 19)*

Familia misiolariaren ugaltze hau Espirituaren eta prestaketaren emaitza da. Otoitza, heziketa eta munduaren ezagutza zabala oinarritzat hartuta, gazte eta helduak prestatzen jarraitzea da xedea, gertuko eta urrineko inguruaren deia entzun eta gizon eta emakume txiroengan aurkituko duten Jesusen bila atera daitezten. Jainkoak etsi gabe deitzen eta bultzatzen gaitu mundu hobea egitera.

### MISIOA BIZIA DA

Askotariko leku, garai eta eratarata, “MISIOA BIZIA DA – LA MISIÓN EZ VIDA”, hau da, bizia eta maitasuna, zenbat eta gehiago eman are gehiago jasotzen dela, egiaztatu dugunok bizi izandako esperientzia da kanpaina honen abiapuntua. Esperientzia misiolariak, norbere eremutik ateratzeak, gehien sufritzen ari direnengana hurbiltzeak eta denbora, fedea, norbere burua... eskaintzeak, misioa bizia dela esatera garamatza.

*“Gizakia, hartu-emanen jartzen denean, Jainkoarekin, besteekin eta izaki guztiekin elkartasunean bizi izateko bere baitatik ateratzen denean, gehiago hazten, osatzen eta santutzen delako.” LS 240*

*“Bizia –eta bizia ugari gainera- izan dezazuen etorri naiz” (Jn 10, 10)*

### MISIOA BIZIA DA

Neurri handi batean geure bizimodu egoistagatik txirotutako anai eta arreba hauei aurpegia jartzeak daukagunaz (aukerak, jakintzak, baliabideak...) jabetzera garamatza eta geure eguneroko misioan konpromisoak hartzera deitzen gaitu, hau da, gatz, argi eta banatutako bizi izatera.

*Gizadi osoarekin eta “**erdiminetan intzirika dagoen**” (Erm 8, 22) kreazioarekin batera gorputz bat osatzen dugula sentitu.*

### MISIOA BIZIA DA

Lurreko txirotuengan Jesusekin bat egiteak bizia ematen digu eta bizi-emaitza egiten gaitu.

*“Dohakabe eta behartsuak ur bila dabilta, baina alferrik; lehor dute mihia egarriz. Nik, Jaunak, erantzungo diot haien premiari, nik, Israelen Jainkoak, ez ditut bazterrera utziko. Mendi-kasko soiletan erreak sortuko ditut, ibarretan iturriak; basamortua aintzira bihurtuko dut, lur lehorrean iturburuak sorraraziko.” Is. 41, 17-18*

### MISIOA BIZIA DA

*“Ez dut joan nahi, baina ezin naiz joan gabe geratu”, Ruandan misiolari izan zen Isidro Uzcudunena bezalako lekukotasunek bizia emate-, konpromiso-sena ematen diote.*

*Benetan ederra, pertsona bakoitzaren bizia ez dela kaos etsigarrian, halabehar hutsez edo zentzugabe errepikatzen diren zikloez gobernatutako munduan ez dela galtzen ziur jakitea! Kreatzaileak hauxe esan diezaguke gutariko bakoitzari: “Amaren sabelean sortu aurretik aukeratu zintudan” (Jr 1, 5). Jainkoaren bihotzean sortuak izan ginen eta, horregatik, gutariko bakoitza Jainkoaren pentsamenduaren emaitza da. Gutariko bakoitza maitatua da, ezinbestekoa da”. LS 38*